


PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
H36A17
1913

Haşimi, Emir 'Osman
Divançe-'i Haşimi

17-5



ذیوانچہ
شہادت
ہائے

حمزویہ قطبیک ارسالی جنت فایحہ
اون بر اخلاص ایله او قوروحنه بر فایحہ

مرتب
شیخ سید محمد ثریا

مرحقوقی محفوظدر

مطبعہ بحریہ
سنہ ۱۳۲۹ نیسان

PL

248

H₃₆A₁₇

1913


1 1 E F A

1 1972

1
L N E

مجان پرفایه

مشاغل روزمره عالمدن غنیمت آزاده کی ایده بیلدیکم قیسه
زمانلرمدہ درگاه فقیرینک بک کوچوک اولان کتابخانه سنده
کم بضاعه لکمه کوره اکلابه بیله جکم بعض آناری قاریشدیرمق
معتاد فقیرانہم اولدیغندن کچنلرده ینه بو اعتیادله مشغول ایکن
ید فقیرانہمه کچن (لمظات حلوبه از لمعات علوبه) نامیلہ شیخ
حلوی اسمندہ برذات عالیقدر طرفندن ۱۰۳۶ تاریخندہ وجودہ
کتیرلمش برائر قیمتدارہ تصادفله مطالعہ سنہ جالیشمقدہ ایکن
جد عالیمقدارم « امیر عثمان الهاشمی » حضرت لیرینک سلسله
سلوکاربنہ دائر بر قیدہ تصادف ایلدم . جد دن اولادہ
اولاددن احفاده نقل اولتمقدہ اولوب معلوم ومضبوط طمز اولان
اقوال ایله قیاس ابدوب یکدیگری تضمین ایدن روایاتی صحیح
و سالم بر صورتده تنظیم و تحریر و حضرتک غیر مطبوع اولان
دیوان عالیلرندن بعض اشعار عاشقانه لیرینک دخی علاوه سبیلہ طبع
ایتدیروب مجان آل ولا و عاشقان تشنه دلان پرفایه اولان
اهل توحیدہ فقیرانہ ارمغان ایتدم . شیخ میر محمد ربیا



بِسْمِ اللَّهِ الرَّحْمَنِ الرَّحِيمِ

دوست

ای باری خدا راست رو راه هدا قیل
الدائم به دل غیری به لطفکله رها قیل
کجج ائمه بنی طعنله کجج ایتسه کر اعدا
کجج کارینی یوزله میوب راست نما قیل

لمعة باء بسم الله ايله لمحة مرشدان راه خدا و موجدان
همراه هدا بیاننده فی السر والعلن لسان حالدن قاله کان قلبه
ساری و بورسسه جاریدر که :

هر که دیر جانله که و بیگاه

ذکر ایدوب لا اله الا الله

روزن جان و دل کشاده اولوب

کشف اولور آکا سر بسم الله

تحریر مقامات بسمله و تقریر مقالات حمدله ، کہ باعث
شکر و سپاس نعمت اساس و بادیء صحت وجود جہا ناسدر :

شکر اول اللہہ کیم اودر رزاق

رزقی آذن اوماز قو آفاق

آنی تسییح ایدر جہان خلقی

ذکرایدوب بالعشی والاشراق

وسپاس وستایش (اعملوا آل داود شکرا) سزاوار خالق
پروردکار در کہ بو وجود مافی الموجودی کیم عدمدن صحرائ
وجوده کتیروب طبیعت انسانی پرتو لطفنه سزا ولسانی حمد
وشکر ایله کویا ایلدی :

حمد ومنت خدایه صبیح و مسا

کیم بزی یوقدن ایلدی ایدا

صحن عالمده آدمی موجود

ابتدی ادرا کیله دخی کویا

(کنت صککنا مخفیا فاحیبت ان اعرف فیخلقت الخالق)

(لاعرف) دیوب خلوتخاۃ صمدیتده جلوۃ احدیتک مظهری

هیکل جسم آدم و آدم ایچون خفتت عالم ایدوکنی درک ایچون
(اول ماخاق الله العقل) بیوروب دلیل عقل کل ایلدی :

کیزی کنج ایکن اول خدای جیل

دیلدی کیم یلنه سر جلیل

رش نور ایتدی خلقه ظلمتده

نوره مظهر اولانی ایتدی دلیل

و کاشانه وجود انسان ، منظر آیت رحمن ومظهر اسم
اعظم ، مظهر حمایت سبحان اولدیغی ، عارفان عالم غیب
و شهادت بیلوب و اذعان پاکه مالک اولان راسخان ، فنون
عبارة افاضه ایدوب بیلدیردیلر :

منظر انوار قدسیه اولان انساندر

منبع اسرار انسیه اولان انساندر

اسرار ازلیه کنز مخفیة که (وحلها الانسان) در آدم
حقیقی یوزندن لامع و هروجهله ظاهر و انوار لم یزلیه جبروتیه
مخزنی جامع و باهر و اول فنده ماهر ایدوکی بیلنمک ایچون
(خمرت طینت آدم بیدی اربعین صباحا) سری ایله خلوتخانه

بد قدرت صاحب قوتده نجر (واذا سويته) ايله تسوية ظاهر
 وباطن مقرر (ونفحت فيه من روحى) ايله نفع روح برقتوح ؛
 مانده نشوء صبح مسير اولوب قواسى مقوم واعضاسى مجسم
 اولقانيله معمر ايدوكى خلايق عوانجه بيانمك اوزره (وعلم
 آدم الاسماء كلها) عامى تعليم ايلوب ابنائى اسمائى ملائكتيه
 تفهيم ايتديردهكه معلمى تعظيم قصديه سجده تكريم امر
 اولدى :

كورونجه امرى كديلر وجده

ايتديلر اودم آدمه سجده

وآيت (انى جاعل فى الارض خليفه) ايله آدم ، سزاوار
 خلافت اولديغيجون بونجه عزت وحرمت ميسر وكنزار جنان
 ايجره منبر كرامته مقرر اولمشيكن ظهورات مقدره يني
 اظهار ايجون عدن زيبادن ارض غبرايه سفر ايتديرلميله
 خليفة الله فى الارضين اولوب اب الانبيا اولمشدر :

صاب آدمدن ظهور ايتدى خواص

اوليا و انبيا عام ايله خاص

خيرالولد مایشبه الوالد خواصنجه اولاد كرام آدم
 (عليه) كه (ولقد كرمنابى آدم) خلعتى ايله وجودلرينى

آراسته و کرامت مغنویه ایله موجود لرینی پیراسته ایدوب
 مابین الاخوان و خلائق الاکوان معزز و مکرم اولان سالکان
 مسألك هدا و مالکان ممالک خدا ، کیم اعتصام جبل متین
 او امر رب العالمین اوله رق (ومن یتصم بالله فقد هدی الی
 صراط مستقیم) ایله متعم اولمشلردر . انکچون دعاری مقبول
 حضرت اولوب تسویه وجود نقطه مافی الوجوده یول بولوب
 (انعمت علیهم) مظهری اولمشلردر :

مغضوب اولانه ایله مه یارب دلی همدم
 انعمت علیهمدن آیرمه بزلی بر دم

دیوب مغضوبین و ضالین اولمقدن امین اولوب (وعلمک
 ما لم تکن تعلم) علمی تعلم ایچون مکتب عرفان مکسب و جدانه
 واصل اولان راستخان علوم (وما یعلم تأدیله الا الله و الراسخون
 فی العلم) اسراری ایله کویا اولمشلردر .

فنا ی مکونات ، بقای مغنویاتی عون خدا ایله بولوب (ومن
 یرید الله فهو المهتد) مظهری اولان نارکان ریاست دنیا و طالبان
 راست رو عقبا که تجلیه باطن ایله ماهر و تصفیة ظاهر ایله
 حقیقته ناظر ، قاب سلیم و طبع مستقیم ایله بصر بصیرت لرینی

کشاده ایدہ رک (سترہم آیاتنا فی الآفاق و فی انفسہم) ایلہدہ
متبع صنایع حق و بدایع مطلق اولمشردر :

کوز آچوب عالمہ نظر ایلر

ماسوادن اولکہ کذر ایلر

و کمال استعداد (الله نور السموات والارض) فیضی ایلہ
مشکات جان ودلی منور و آب مطہرہ رشحات (و من الماء
کل شیء حی) ایلہ شجرہ وجودی شمر وزیت تفکرلہ وجودی
شمر و حکم الہیہ نامتاہیہ ایلہ کہ (انه لعلی حکیم) در آلمک
فیضان حکمتیہ فتیالہ وجود آب کلی کیم مضغہ (اذا صلح
صلح الجنۃ) در شمر اولوب اشعہ شوق ضیا بخشندہ سیلہ
ظلمات جہالتدن خلاص ایدوب زجاجہ مرآت وجود مجلوہ
نور عمل و علمیہ اختصاص بولمشردر :

شول کہ علمیہ اولہ نورانی

ولہ ایتسہ احاطہ نور آنی

ایشتہ بونلر انسان کامل و آدم حقیقیدر (انا اصطفیناک
برسالاتی و بکلامی) ایلہ اخبار کلام ملک جبار ایچون
کمشردر ، کہ انیا ومرسلین علیہ الصلوات والسلامدر :

اوج یوز اوز اوج مرسل اولدی پیشوا

بوز یکرمی دوت بیکدر انیسا

اراتق اکسک جمله سنه صد درود

هم صلوات ایله سلام راتسون خدا

ربا الحمة و

(ادع الی سبیل ربك فی الموعظة الحسنة) ایله دعوت

خلایق ایابوب کیمی (وقولوا له قولنا لینا) ایله مأمور و کیمی

(اقتلوا المشرکین كافة) ایله مجبور اولوب راه هدایه دلالت ایلدیله.

بونلرک کزیده و سرچشمه سی (تلك الرسل فضلنا بعضهم

علی بعض) و سررشته (کنت نبیا و آدم بین الماء والظین) بیوران

سایان خیر المرسلین ، شفیع یوم القیامت الیقین ، حضرت

محمد المصطفی علیه الصلوات فی الصبح و المساء الی یوم اجزا :

نقطه دائرة کون و مکان

انیسا سروری احمد محمود

جانب حقدن عزتن اشعار

ایده جک نسنه لر اولوب موعود

بری حوض کوثر بریسی لوا

جنت ایجره مقامیدر محمود

اول سلطان معظم زمین و سما ، حریم حرمسرای قاب
 قوسین اوادنا ، و خشور رموز آشنای (سبحان الذی اسرا)
 سرچشمه زلال بینات (و ما یناطق عن الهوی) سلطان سریر
 سرا پرده (واللیل والضحی) جد الحسنین الاحسنین المجتبا
 مظهر (لولاک لولاک لما خات الافلاک) بر مهر منور درکه :

(القمر مستفاد من الشمس) خواستجه ذات محمدی شمس
 دین اولوب آنک پیکی ده اولیاء عظام حضرایتدر ، که اول
 شمس هدایتک حقیقی نورندن استفاضه انوار ایتملردر .
 بوجهاء ولی اللهدن اولوق اوزره نام مبارک و مقدسی :

✽ امیر عثمان الهاشمی ✽

اولان سرتاج ابتهاجم دوجهانده ملجأ و ملازم مرشد
 دل آگاه هر ملتجی ایچون بریناه سید عالمقدار عن نسل
 حیدر کرار جد بزرگوارم دادرس فریاد وزارم افندم
 حضرتلری ۹۱۹ تاریخنده سیواس شهرنده عالم وجوده کلوب
 هنوز صبی ایکن درسعاده کله رک سخن نمانده یعنی فاتح
 دارالعلومنده تحصیل علم و کماله بذل ما حاصل مقدرتله طینت
 پاک و فطنت و ادراک سیادتلری اعتباریله آز زمانده اکتساب
 فیوضات بیغایات ایتملردر . خلقتلری حقیقته کسب و وصل

املی ذاتاً قلب منور لر نده شعله پاش اولمقده اولدیغندن هر نره ده بر صاحب اسرار حقیقت ایشیتسه لر همان تشرف صحبتلری ایچون طی مراحلدن کیری طورمازلر ، اول زلال صفادن عطش دللرینی سیراب ایچون قوشارلردی . بو جمله دن اولمق اوزره برکیجه عالم معناده جد عالمقदारلری جناب حیدر کرار افندمنر حضرتلرینی دلدل سوار ، دست مبارک حیدرانه لر نده ذوالفقار اولدینی حالده مشاهد ایدر لر .

جناب حیدر کندی لرینه خطاب ایله :

— اوغل عثمان اکر نی ایستر ایسه ک (ویزه) به کل که نی اوراده بولورسک . دیر لر .

حضرت بیدار اولنجه واقعی درپیش مطالعه ایله همان سفر ندارکن بالاجرا ویزه به توجیه عنایت ایله . شهره وصولی طلوع زمانه تصادف ایتمکه اشراقی تماشا ایتمکده اولان سواری برذاته راست کلیر . بوذات حضرت امیره خطاب ایله :

— ای امیر عثمان علی نی ایستر ایسه ک ایشته علی بنم و بو سوار اولدینم آت محلنده دلدلدر . دیر . حضرت امیر معنای درخاطره همان جوابه شروع ایدوب :

— کوزل اما افندم آلك ذوالفقاری وار ایدی؟ دیمسیله
اول ذات شریف باندہ کی کمرہ معاق بولنان تسبیحی چکمسیلہ
تسبیح ذوالفقار شکلی الدینی کی :

— ایستہ اوغل بزمدہ ذوالفقار، بز جوانہ قارشی حضرت
امیر عثمان بر صیحه ایله یرہ دوشر یخود قالیر. بعدالصحو اول
ذات شریفک خدمتی قبول ایلر .

بو ذات شریف مبارک و محترم « شیخ علی علاءالدین »
ویزه وی حضرتلری اولوب سلسله طومار اجازتلری شول
وجهله در :

مرشد آگاه حقیقت ، پیر ارکان طریقت

- حاجی بیرام ولی
- شیخ عمر سکنی
- » بنیامن آیاشی
- » پیر علی
- » اسماعیل عشوقی
- » احمد ساربان
- » علی علاءالدین ویزه وی
- » غضنفر افندی
- » سید امیر عثمان الهاشمی

جدم حضرت امیر عثمان درگاه شیخ علی علاءالدین
 ویزه وی ده شیخ مشار الیهک خلیفه سی شیخ غضنفر افندی
 حضرت تلیله برابر بر خلی زمان تکمیل سیر سلوکه بذل ما حصل
 اقدام ایدر لر . بومیانده حضرت شیخ علی خلیفه سی غضنفر
 افندی نیک کریمه سی حضرت امیره تزویج بیوردر لر . بر آرزمان
 سوکره روح پرفتوح لری عالم بالایه پرواز ایتمکله سر طریق
 شیخ غضنفر افندی به انتقال ایتمیله حضرت امیره سیاحت امر
 اولتور . حضرت احبا جمعیله امامیه کیدر لر وقتا که شیخ
 غضنفر افندی دخی عالم عقبانی تشریف بیوردقن سوکره
 سر طریق جدم افندمه انتقال ایلدیکندن استانبوله معاودتله
 نورالدین زاده درگاهنه نازل واوراده نورالدین زاده حضرت تلیرندن
 حلوتی تاجی کیمکله طریقت حلوتیه اوزره اربعینه داخل اولور لر .
 نورالدین زاده حضرت تلیرنیک فقراسی هر صباح رؤیالری
 تعبیر ایتمدیر مک اوزره حضوره کلک معتاد اولدیغندن بونلر
 میاننده حضرت امیر عثمانک هیچ بر رؤیا تعبیر ایتمدیردیکی
 واقع اولدیغندن بو حال نورالدین زاده حضرت تلیرنیک باعث
 تعجب لری اولمقده ایکن بر کیجه حضرت نورالدین رؤیا سنده
 حضرت سرور انبیا صلوات الله تعالی علیه وعلی آله واولاده

افندمز حضرت تلمی کورر لر شویله که : دست مبارک رسالت پناهی لرنده
 طومقه . اولدقلری بشیل رنکلی بر دستمالدن اوج یاراقلی
 تازہ بر آباو چیقاروب ویررلر . نورالدین زاده حضرت تلمی
 بیدار اولوب بر معتاد تعبیر رؤیا ایچون فقرای درویشان کند -
 یلری زیارته کلیرلر حضرت امیر دخی برکنارده بولنور .
 حضرت شیخ جمله نك رؤیاسی تعبیردن صوکره خطاب ایله :

— یا امیر سن هیج رؤیا کورمز میسک؛ زیرا هیج تعبیر
 ایچون مراجعتکز واقع اولدی ؟

بیورملری اوزرینه حضرت عثمان الهاشمی (ایشته افندمز
 فقیرک رؤیاسی) دیوب حرقه سی آلتندن شیخک رؤیاده
 کوردیکی معهود اوج یاراقلی تازہ آیوانی چیقاروب تقدیم
 ایتمسایله نورالدین زاده حضرت تلمی بو حاله مطلع اولنجه (ای
 امیر آرتق سنک بزه احتیاجک قالدی ایکی ارسلان رپوستده
 اولماز وار آرتق کندی پوستنه صاحب اول) دیه اجازت
 ویرملریله حضرت امیر قاسم پاشایه نقل بیوروب حالا بوققیر
 پرتقصیرک خدمتلیله مشرف اولدیغ خانقاه عالی بنایله طالبان
 حق اولان سالکانی چشمه فیض مرشدانه لرندن ساری
 اولان زلال معرفه الله ایله سیراب ایتملردر .

جدم اقدم (۱۰۰۳) تاریخ هجریسنده واصل جانان
 اولوب کندی بنا کرده لری اولان درگاه شریف انصالنده کی
 تربه مخصوصه به ودیعه رحمت الهی قلنمشلردر . قدس الله سره .

جناب حق صفا نظر لربنی

فرق درویشانه مزه

سایه بان قبله



سلسلہ نسبری حقندہ کی نظم عارفانہ لری

ہاشمی ہم فقیرم مجتبار سودیکم

آل اولاد محمد مصطفادر سودیکم

چار یار پاک کوہر امہات مؤمنین

صفہ اصحاب یاران وفادر سودیکم

حضرت شاہ ولایت شبر شیر جان

پیراجدر قنبر سلمان صفادر سودیکم

زید قاسم ابن عباس ویس جعفر ارقی

سر اسباط مظهر فقر فنادر سودیکم

سیدا السادات زین العابدین ابن الشہید

کربلا دہ مظهر جود جفادر سودیکم

اول امام الاولیا توحید علمک باقری

اول کریم ابن الکریم صاحب عطادر سودیکم

اولین و آخرینک مظهر اولان سرینه
جعفر صادق ولی الاولیاد رسو دیکم

کاظم الفیظ هادی، دین مشعل اهل یقین
وسی، کاظم امام اتقیادر رسو دیکم

کاف نونک منبئی اول قبا، ارباب دین
کاشف سر علی عین رضادر رسو دیکم

منبع الجود مرشدالحق اول جواد ابن الامام
کیم محمددر تقیدر مقتدادر رسو دیکم

فضل حقدر هم تقیدر هم علیدر هم ولی
علم و عرفان منبئی عین حیادر رسو دیکم

ملک باطن شاهیدر هم عسکری اهل فنا
هم حسندر هم علی صاحب لوا در رسو دیکم

نسل پاک مصطفی و مرتضی در (هاشمی)

مهدی، صاحب زمان آل عباد رسو دیکم

رسو دیکم

* * *

| | |
|----------------------|-----------------------|
| کرم ایتمش سبحان سکا | پیرم سلطان اولیا |
| فدا یوز بیک جهان سکا | برجان سکاہ نسنہ در |
| ایچلرنده سروریسک | سن اول اوچلرک بریسک |
| قوسی مہربان سکا | اولیاک رھبریسک |
| حق حینہ اصحابسک | عالمسک اولا بابسک |
| مشرق مغرب یکسان سکا | عالمہ قطب الاقطابسک |
| یوزلر ایاغسک ترابی | سنسک عشاقک طلی |
| محتاج اهل عرفان سکا | سن ایدرسک فتح باب |
| معرفت کافی بولدی | بحر عشقہ کوکل طالدی |
| یتر بو دین ایمان سکا | (ہاشمی) کرجیکہ اردی |

* * *

| | |
|--------------------|-------------------------|
| یترسک سن کتاب سکا | کوکل کوزین آچدک ایسہ |
| عالمہ یوق حجاب سکا | باقدیغک یوز دوست یوزیدر |
| سمعک سندن خبر آور | کوزک باقار سفی کورر |
| سویلین سن خطاب سکا | مہرنہ کلسہ سندن کلور |

سنى بولان غیری نیلر سنك ايله كوكل اكلر
یدی مصحف سنی سویلر جمله مرجع ماب سکا
کل کیر عشقک حرمننه دوشمه کل غیرک غمنه
هو دی کر چکلر دمنه چون فتح اولدی بوباب سکا
(هاشمی) سن سنی بیلدک ایستدیکن سنده بولدک
هر یوزدن کورینوب کلدک عالمده یوق حجاب سکا

شول کیشی کیم جان و دلدن ربی ایلر طلب
هیچ اوله می کیم مرادک ویرمه آکا جاب
سن همان آنک یولنده جد ايله جهد ایده کور
دامن مقصوده چون ایرمک دیلرسهک چک تعب
مرد ایسهک میدان عشقده باش وجان ترکن اور
راه عشقده کنديسين کورمک اولور لهو ولعب
باده عشقی ازل جامندن ایچدکسه اکر
مست عشق اولدک سکا لازم دکل ماء غنب

سن کوکلدن ماسوی حبن کیدر ای (هاشمی)
 نفع صور اولسه قچن صورلماز آنده هیج نسب

قناعت وصفی هر کیم ایدندی ذاته خصات
 بیلک آنی آنک یاننده بردر کثرت وقت

صاقین سن صاعمه ای صوفی عزیز اولور باشی تاجلو
 قوله حقدن اودر عزت باشه بولداش اوله دوات

ایکی عالمده کر عزت بوله م دیرسه ک اکر حقدن
 کوکلدن غیر بی ترک ایت قیله الله سکا رحمت

یوری طوغری یوله سن صاقین طعن اتمه اغیاری
 کشی نیه کولر ایسه کلور باشنه بی منت

غنی دیمه ک آکا سز کیم التده سیم وزر اوله
 غنا اول (هاشمی) حقدن بوله مولاسنه وصلت

پیرم غضنفر سلطاندر

جمله اولیا سروری

پیرم غضنفر سلطاندر

ایچلرنده دین رهبری

| | |
|-----------------------|------------------------|
| عرش الهی سیران قیلان | میداننده جولان اوران |
| حقه جانن قربان قیلان | پیرم غضنفر سلطاندر |
| اوجار یدیلر اوکنده | باش و جان ویرمش یولنده |
| محمد مدحی دیلنده | پیرم غضنفر سلطاندر |
| (هاشمی) دیر ای طالبان | کیجه کوندوز اینن فغان |
| دردیکنزه درمان اولان | غضنفر پیرم سلطاندر |

* * *

طریق حقه بیل عشق رهنادر
که عاشق اولیمان حقندن جدادر

نیچون جانن یقارسک نار هجره
طریق عشقه کل کیم خوش صفادر

دخی آدمله حوا کلامشدی
بیم پیرم بنمله آشنادر

دوشلدن عشق یاره زاهدا دل
طاغندی الهه وارین برکدادر

نه غم برسك جهانده (هاشمی) سن
غضنفر کبی کر چک پیشوادر

* * *

ضمیرنده کیمک صوفی کتاب عشق از بردر
آله کور بر نظر اندن که اول اکسیر اکبردر

شو کیم جان کوزنی آجدی قو اشیا آکا ظاهر
اولر کیم خواب غفلتده همان شیطان ابتردر

سن آکا دیمه که ساطان باشنده اوله رزین تاج
دوکونه پادشاه اولان بیلاک که غوث اعظمدر

ایکی عالمده ظلمتدن مبرادر بولان آنی
که آنک خوب جمالندن جمیع عالم انوردر

مراد ایسه اگر زاهد بیلیمک رازی عشاقک
آنی سن (هاشمی) دن صور که اول دیوان اکبردر

* * *

بن دکلم بونی دین حق درر
 حقدن اوژکه بیلکه غیری یوق درر

من عرفك سرینه واقف اولان
 کوکلی آنک جمله دن آلیق درر

ترك ایله کل کوکلدن هر سوکیفی
 حقی سوکه سومکه الیق درر

بجر زانه طالمق ایسترسهك ا کر
 عشقه یاپش خوش عجب زورق درر

ملك ایچنده طانیانلر مالکی
 غیری دکلدن ولی مطلق درر

هر کیم ایناندی بوسوزه جان ایله
 بیلکه آنی مؤمن مطلق درر

کوریکزکه (هاشمی) نی سویله دن
 کندنی دکل بلکه همان عشق درر

بوکون میدان عشق ایچره بزہ ہاشمیلر دیرلر

ارنلر سرینہ عاشق بزہ ہاشمیلر دیرلر

طیانوب زہد ایله قالماز اوزین غوغالره صالماز

جهانی برپوله آماز بزہ ہاشمیلر دیرلر

الستک سرخی بولوق الستک سرینہ ایردک

انکچون سینہ چاک اولدق بزہ ہاشمیلر دیرلر

عجبت ایله بول بولی کیدر کوکلندہ کی قالی

ایره ہمت پیر علی بزہ ہاشمیلر دیرلر

انالعشق کوسنی چالوق ولایت ملکنی آلدق

(ہاشمی) دن عیان اولدق بزہ ہاشمیلر دیرلر

مرد ایسهک میدان عشقده جان و پروب جانانی کور

بنلکی الدن براق کل کفری قو ایمانی کور

عاشق ایسهک باشی طوب ایله کل میدانہ کیر

ترک ایدوب جان و جهانی نار عشقہ یانی کور

ليلة الاسراره واقف اولمق ايسترسهك اكر
سرحقه محرم اولان كامل انساني كور

مبتلاي عشق اولانلر دردينه بولدي دوا
عاشق ايسهك سن دخی كل دردی قو درمانی كور

(هاشمی) درده گرفتار اولمق ايسترسهك اكر
جان ايچنده جان اولان اول پرتو سبحانی كور



ازلدن عشقه صوفی كيمك طینی شمردر
ديلتده دائماً ذكري آنك الله اكبردر

شولركيم حب دنيادن ايدوبدر قلبی تطهير
تماماً نور مولادن آنك جسمی منوردر

غنی ديمز اكا عاقل الندهسيم وزر اوله
غناي شول كوكل بولدي قناعتله معمردر

اناالحق سريی ای دل صاقين كشف ايمه نادانه
انی هيچ بردنی بيلمز حق اهانه ميسردر

بیلیم دیرسهك اکر آنی بوله کور کامل انسانی
 اودر حق عامنک کان که بوسره او محرمدر

فناجامندن ای غافل کیمک جانی که مست اولدی
 وجودک جمله ترک ایتدی که واراق ذنب اعظمدر

حقیقتده اولاندر شاه وجودی ملکنه حاکم
 جوجان کیم نفسه محکومدر بیلک دجالدن ایتدر

مرادکسه اکر نفسن الندن بولمق استخلاص
 آنی سن (هاشمی) دن صور که بو علمه اوره بردر

✽ ✽ ✽

زلفنک زنجیرینه بند اولدی دل دیوانه در
 جام عشقی نوش ایدنلر خوش عجب مستانه در

صانع ای جانم بی بونده قول اولدم بن سکا
 دل ازل قلو بلیدن شمعنه پروانه در

دائما نصیحتک ناصح منع ایدر می دن بی
 عاشق دیوانه ایم بن مسکنم میخانه در

باده بزم السقی ایلیلمزم
ملک وحدتده خداییلله یرم خمخاهدر

جان آتوب پروانهوش کل شمعهمیان ای (هاشمی)
اوبمه سن اول مدعییه قوی هب افسانهدر



مرد ایسهک میدان عشقهدهجان و یروب جانانی کور
صادق ایسهک عشق ایچنده ایستهبول ساطانی کور

اول سکا سندن بقیندر سن اولمه کل آکا ایراق
کثرتی قو وحدتی بول معنی عرقانی کور

والضحی بوزکدرر واللیل صاحبک مطلقا
اوقو حسنک مصحفنی سورده فرقانی کور

پرتو نور خداسک بیله کور کل قدرینی
مظهر ذات وصفات رحمت رحمانی کور

(هاشمی) الفقر فخری چون بیوردی اول رسول
فقر ایله فخر ایدو بن کل کفری قوایمانی کور



اولیایه اگری باقمه کون و مکان النده در

ملکه حکمن سورن اولدر ایکی جهان النده در

سن انی شویله صانیرسین سنجلین بر آدمدر

اولیانک سری واردر کیزلی عیان النده در

حق آن بونده کوندردی قولارینی ارشاد ایچون

ایستدیکن اصلاح ایدر قهر واحسان النده در

حق ذاتیله صفاتیله تجلی ایلمش آکا

وارانی حق وارلغیدر امر سبحان النده در

(هاشمی) ایدر بو علمی اوقودم اکلادم بیلدم

شمدی بو عالمک حکمی کامل انسان النده در .



زی بزدن سوران عاشق کلسون اکللسون حالیمز

حضردر قلاغوز بزه احمد یولیدر یولیمز

انکله قوناز کوچرز رحمت قپوسین اچارز

عالمه نورلر صاچارز دوست ایلی بزم ایلیمز

| | |
|------------------------|---------------------------|
| آب حیات ایچن اوله ز | گر چکارده یلان اولماز |
| حق دیلی بزم دیلیمز | یتیش ایکی مات بیامز |
| گاه اولور حیات بولوروز | گاه محو اولوبن اولوروز |
| حق بیایر بزم حالیمز | گاه اولور کیم مست اولوروز |
| (هاشمی) حق عیان بزه | چون حضر اولدی جان بزه |
| قدرت الی در الیز | مشرق مغرب یکسان بزه |

* * *

| | |
|-----------------------|------------------------|
| بر کر چکک بنده سی یوز | باش آچیق میدان عشقده |
| بر کر چکک بنده سی یوز | یولنه جان فدا اولسون |
| آندن طوغار شمس جهان | اولدر اصل معدن کان |
| بر کر چکک بنده سی یوز | امرنده در کون و مکان |
| آندن ایره درده درمان | اولدر اولان عالمده جان |
| بر کر چکک بنده سی یوز | وجهنده سوره رحمن |
| آنکدر لوح ایله قلم | آنکدر سویلنن کلام |
| بر کر چکک بنده سی یوز | ظلی درر جمله عالم |

(هاشمی) دن امن وامان یوزن کورن بولور ایمان
آندن ایرر فیض رحمن بر کرچکک بنده سی یوز

* * *

حقا که کرچک دوویشک سری سبحاندن آیرماز
برلکه بل باغلا نیجه بردم حق آندن آیرماز

آنک ایله وار اولمشدر حیویه یار اولمشدر
صاحب اسرار اولمشدر نظاری جاندن آیرماز

سیر ایدر بیله جانکاه یولدش دین و ایمانکاه
گاه سنکاه گاه آنکاه الا اول آندن آیرماز

کیمه کیم حق ویردی دولت جمله عالم آکا آیت
کوز لویه بیان نه حاجت وصف و بیاندن آیرماز

(هاشمی) ایدر ای غنی سنسک دردیمک درمانی
نیجه وصف ایله یم سنی سرک نهاندن آیرماز

* * *

کرچک ولی اولان کشی آلورسنى سنده قوماز
ماسوادن ال یومه دن محبتن جانده قوماز

سکا نفسنى بیلدیرر اولمش جاننى دیر کورر
سنى مقصوده ایر کورر آلدایوب یباندده قوماز

محبت کلیجک جانه باقدر مرجان وجهانه

ایر کورر سنى سبحانه اکلندیروب یولده قوماز

کرچک
کریچک بویون آکه دن حق باطلدن سچمه دن

اولیا کوکلن سلیمه دن حق کرمین آنده قوماز

(هاشمی) نك بودر پندی طالبك پیره ایناندی

برشدلر چوبان کییدر سوروسین یباندده قوماز

* * *

اولدق فنا اندر فنا صائمك بزى وار اهلوز

مشهودمز حقدر بزم واصل دیدار اهلوز

حقدر بزه ویرن سبق جان کوزینی آج سنده باق

کوندن عیان دیدار حق مخزن اسرار اهلوز

حق وارلغیدر واریمز انکله در بازاریمز
اولدر بزم ارکانمز شمده بز اول کار اهلوز

پیر علی سلطان پیرمز محمد علیدر سریمز
نورخدادر نوریمز اسرار انوار اهلوز

(هاشمی) درشاه جهان کوکلنده حق اولان مهمان
بزمدر آیت قرآن بز اصل دیدار اهلوز



| | |
|----------------------|----------------------|
| ای مسکین درمند آدم | سکا سنک حجاب اولمش |
| سنی سن سن صاندیغک | سکا پرده نقاب اولمش |
| بوسن کیم سنک صاندیغک | بیم دیو او کوندیکک |
| سنک بو بویله بیلدیکک | سکا حقندن عذاب اولمش |
| نیچون سن سنی بیامزسک | بیانلره اینانمزسک |
| ابد اصلاحه کلزسک | جهلک سکا عذاب اولمش |
| بیلدیکوده بیامزسک | بیلوب حقه اینانمزسک |
| اولور ایمانه کلزسک | یرک دارالعقاب اولمش |

(هاشمی) دیرحق علمی هیچ اوقومقاه بیلنه من
کوکلدن اوقویان بیلر بوده بر کیزلی باب اولمش

* * *

بن بو بولی بویله بولدم بکا بئناک حجاب اولمش
اوقودم اکلادم بیلدم بکا بئناک حجاب اولمش
نه وار ایسه عباداتم کر زهد ا کرسه طاعاتم
پرده ایتمش هر عاداتم بکا بئناک حجاب اولمش
هیچ بو سری بیلمز ایدم دیر لردی اینانمز ایدم
بونی بویله صانمز ایدم بکا بئناک حجاب اولمش
بزه زدن یقیندر حق اولدر اول فاعل مطلق
اردهده هیچ رانسه یوق بکا بئناک حجاب اولمش
(هاشمی) ایدر ای غنی شکر اولسون بولدم سنی
آر مزوم بندن سنی بکا بئناک حجاب اولمش

* * *

مقصود جهاہ کلمکدن کشی ربن بیلکم ایمش
 ربسین بیلکمہ سبب اولیاسین بولمق ایمش
 انک ایله اولور دولت آنی بیان قیلار آیت
 حقہ یالوارمغه غایت کرچکه یالوارمق ایمش
 بولمق دکل ایمش بیلکم بیلکم دکل ایمش بولمق
 اولیایه کوکل ویرمک رنکنه بویانمق ایمش
 اولان عشقک پروانه سی اولور حقک دیوانه سی
 اهل عشقک سرمایه سی عشق اودینه یانمق ایمش
 بونلردر حق بیان غیری یالاندر (هاشمی)
 درویشلکمدن مراد اولان کلیاً بوق اولمق ایمش

* * *

مسکین آدم بنلکی الدن براق رحمانه باق
 عارف حق اولمق ایسترسهک اکر انسانه باق
 هب بولانلر بویله بولدیلر اینان حقدر سوزم
 (یوم ندعوا) دیدی ربک صدقله قرآنه باق

مرد ایسهك سن راه حقدہ هیچ صاقنمه جانکی

نیجه عاشقار باشین طوب ایله مش چوکانه باق

بیت حقدر قلب مؤمن سن آی ایله طواف

ایله تطهیر قلبکی کل قبله جانانه باق

هره کلسه نطق حقدر سن انی ایله قبول

شول کوکلدن وصات حقه ایروب رحمانه باق

سن کوکل دردینه تیمار ایستر ایسهك (هاشمی)

دردلره درمان اولان اول حضرت سبحانه باق

ای دوست بیامم نیله بهیم حالم کیجه سوبله بهیم

حیرت بحرینه دوشمشم انی نیجه بوبله بهیم

عاشق اولان قیلار فغان عارف اولان قالور حیران

بودرتلی کوکله درمان نیجه ایدوب نیله بهیم

ایسته کل بونده یارینی کوروب ویرجه وارینی

کورمینجه اول یارینی یارین آنده نیله بهیم

دردم بکا یولداس ایله عشقن جانه قولداس ایله
آلسن سکا خالداس ایله کیجه کوندز ایکله یهیم

(هاشمی) یا سرعشقدن آچهم دین جیقار باشند
منکرلرک بغری طاشدن دخی قتی نیاه یهیم

کچشم زرق وریادن عشق ایله یار اولشم
عشقله فخر ایدوب جهانده فقر ایله یار اولشم

کیمشم عشقنه آنک بن ملامت شالی
مدح و ذمدن فارغم بی نام و بی عار اولشم

ایچلی عشقی شرابن اول صنمیر شاهنک
مست عشقم صوفیا عاشق دیدار اولشم

(هاشمی) یم اهل حالم دو جهاندن فارغم
نور حقک مظهری صاحب اسرار اولشم

الوداع ای طالبان سبحان ایله کیده رم
جان ودل اصلن دیلر رحمان ایله کیده رم
کنج فرقنده کوکل یعقوب وش نالان ایکن
نورحق آجدی کوزم کنعان ایله کیده رم
قلب مؤمن بیت حقدر جان طواف ایتمک دیلر
یوقلق احرامن کیوب جانان ایله کیده رم
ذنب اعظمدر وجودم وارلغم قیلدم فنا
حقه دوندم حق ایله غفران ایله کیده رم
دعوت حقه اجابت لازم اولدی (هاشمی)
نن یقاسن کیده روب مردان ایله کیده رم

| | |
|-------------------------|----------------------|
| بولشز یوسف مصری | بو آیین ارکان بزم |
| جان وباش اوینا یوکلدک | شمدی اورتی میدان بزم |
| باقسه ک جمله مز بر یوزز | قوی کورر بر کوزز |
| میدانده طوب جولان بزم | المزده چوکان بزم |

| | |
|----------------------|-----------------------|
| قالمدی شك ایله کان | بولمشز امن ایله امان |
| بولمش دیلک دوران بزم | هربر کرچکک برزمان |
| اولمش جانلری دیرکورد | طالبه نفسن بیلدیرر |
| بولطف بو احسان بزم | وصات حقه ایرکورد |
| چیقار کوکلندن اغیاری | (هاشمی) ایسترسهک یاری |
| دردلیله درمان بزم | دردلی اولان کلسون بری |

* * *

| | |
|------------------------|-------------------------|
| برصورت انسانی بزم | بن بو ملکه سیره کلام |
| بن اول وجه رحمانی بزم | اکر اصلم صورار ایسهک |
| عین اولوب بیانه کلام | کیزلنوب کنت کنز اولدم |
| بن اول وجه سبحانی بزم | عالمه پرتولر صالحدم |
| نه جانده نه جهانده بزم | صانمه کیم نبی جانده بزم |
| بن مرغ لامکانی بزم | جمله دن کیزیلی کانه بزم |
| آی بنده قیلان اولدر | نبی بندن آلان اولدر |
| بن آنک برنشانی بزم | آلان اولدر ویرن اولدر |

(هاشمی) باش ایله جانہ یوق اولدم کلام جهانہ
 بیرم شان اوردی بکا بی نشانک نشانی به

صافییم صوفی ازلدن حقه مرأت اولشم

ابتداسز کوهرم هم بی نهایت اولشم

جهله اشیانک دیلندن ناطقم نطقیم

هم زبور وانجیل وفرقان وتورات اولشم

سنی سکا پرده قیامه سنسک اول سراله

وارانیم محو ایلبلدن مظهر ذات اولشم

کنت کنزک سرینه واقف اولالندن زاهدا

لاشریکک برلکنه مطلق آباد اولشم

بودل ویرانه می معمور ایلدن (هاشمی)

هم کلیم هم آکا طور مناجات اولشم

قهر حقندن ایتسون درویش اولاندر هیچ فغان

امر حقدر صبر ایدک ایتمهک شکایت بر زمان

ایل ایله کلان بلا اولور دوکون صانمک دوکون
 نیجه پیغمبر ولیلر چکدیلر بونی عیان
 اول ولیلر سروردی چکدی بلانک آرتقین
 بز اویوله سالکنز هیچ اتمه یز بونده کمان

رازخی نادانه کشف اتمه صاقین ای (هاشمی)
 جان ودلدن ویرمینجه حق یولنه باش وجان



| | |
|-------------------------|-----------------------|
| ووروب قربان ایدن کلسون | جمالک عیدینه جانن |
| جگر پریان ایدن کلسون | یاقوب عشقکده وارلقن |
| حیات جاودان بولمق | دیلمسه اولمه دن اولمک |
| باشن غلطان ایدن کلسون | بقا ملکنه شاه اولمق |
| قوماز کولکنده اول اغیار | کیم اولسه طالب دیدار |
| دله اعلان ایدن کلسون | هواحق ذکرینی تکرار |
| بوکون کور وجه زیبانی | کل ای طالب قوفردانی |
| تمام احسان ایدن کلسون | کیم ایستر ایسه مولانی |

دیلرمن (هاشمی) یاری کوکلدن ایله سن زاری
دل بچاره کی باری کوروب درمان ایدن کلسون

* * *

بکا سنسنز کرگمز حور و رضوان
نیدر عاشق جنانی یارسز ای جان

فراق اودینه یانمش جانه ای دوست
اب لئلندن ایله لطف واحسان

صاچک کفرم رخک ایمانه ای ماه
بوزکدن ظاهر اولدی سرسبحان

قاشک محرابنه قیلدم سجودی
که بیلدم سنسک ای دوست قبهه جان

دیلمی (هاشمی) دور اوله سندن
که عشقک دردینه اولنجه درمان

* * *

عشق یاره دوش اولالدن یاریمی کوردم عیان
رفع ایدوب شک و کمانم مشکلم قیلدم بیان

بونه مشکل درد اولور کیم کندم ایستر کندیمی
کندی کندم آرارکن اولشم بن بی نشان

ظاهر آباقسهك بكا برصورت انسانی

معنیده کل کورخی کیم جمله دن اولدم نهان

بو وجودم ملکنی فتح ایده لی شمشیر عشق

ساضنت کلی بنمدر اولشم شاه جهان

بحر عشقه غرق اولالدن والغم ای (هاشمی)

جمله سن ویردم قنایه عشق ایله قالدیم همان

ایچونین معنا شرابن مست و حیران اول یورو

دو کونوب طاشلرله دائم زار و کریان اول یورو

هیچه صای سن بوجهانی کیم دکلدن برقرار

ضوت کدالقی رسمنی وار شاه سلطان اول یورو

کورمک ایسترسهك جمال یاری سنده زاهدا

دوجهانی ترک ایدوبده آکا قربان اول یورو

هرنه کیم کلدیسه یاردن سن آنی ایله قبول
قههر و لطفن بریلوبده بحر عمان اول یورو

شول وجودك مصرینی فتح ایلدکسه صوفیا
(هاشمی) وش واروب آنده شاه سلطان اول یورو

❁ ❁ ❁

| | |
|--------------------------|------------------------|
| ایکی جهاندن ایلرو | عارفك عرفانی وار |
| کون و مکاندن ایلرو | عاشقك میدانی وار |
| یولای یولنججه یولی وار | هر برینك برحالی وار |
| وصف و بیاندن ایلرو | کرچکارك بیانی وار |
| برجان ایچره بیک جانی وار | هر حالك برلسانی وار |
| نام و نشاندن ایلری | معشوقلرک نشانی وار |
| آنکله در کونه قرار | هر زمانك براسی وار |
| منزل بوق آندن ایلرو | طالب ایسهك ایستینی وار |
| سوزلری کرچک و لیدر | (هاشمی) آبدال و لیدر |
| نه وار انساندن ایلرو | جمله حال انسان حالیدر |

❁ ❁ ❁

عید اکبردر وصالن ایستیان عاشقلمره

شول کوکلدن غیرینی ترک ایلیان صادقلره

هر کیم ایستر دار عقباده ایرشمک نعمته

فسققی ترک ایلسون اویسون بوکون صالحلمره

سن صاقین مغرور اولوب رجم کریمدر دیمه کیم

اکالایق خدمت ایله یول بودر عابدلمره

کل انایت حجابن چشم دلدن رفع قیل

ذنب اعظمدر وجود دیدی رسول طالبلمره

(هاشمی) سن حق یولنده فقری ایله اختیار

فقر ایله فخر ایلسکدر چون طریق عاقللمره

* * *

کوکلای آندن آیرلمایه

کرجکک طالبی اولور

سری سردن آیرلمایه

قنده یوررسه پیر ایله

اره دن غیربله چیقه

جمله واربن اوده یاقه

بردم یولدن آیرلمایه


اولیایه طوغیری باقه

| | |
|-----------------------|------------------------|
| آنک یار اولیجق | آکا صاحب سر اولیجق |
| کرچک ایله بر اولیجق | درویش حالدن آیرلمايه |
| اندن اول حقه یول بوله | درویش کرچکه قول اوله |
| ظاهر و باطن اول اوله | ذکری دلدن آیرلمايه |
| درویش حقه بول بولیجق | دوست النده کول اوله جق |
| (هاشمی) له بر اولیجق | مولام قولدن آیرلمايه |

* * *

| | |
|-----------------------|----------------------|
| شکر حقک کرمنه | بن دلدہ بولدم ایمانی |
| حق برقبو آجدی بکا | بن دلدہ بولدم ایمانی |
| حقک طاپوسن آچہیم | عالمہ نورن صاچہیم |
| کفرم یوق نہ دن قاچہیم | بن دلدہ بولدم ایمانی |
| حق نظر ایلدی بکا | طوبطولو اولدم جهانہ |
| مظہر اولدم اول ساطانہ | بن دلدہ بولدم ایمانی |
| حقک لطف ورحمتیہ | حیدیک شفاعتیہ |
| اولیانک ہمتیہ | بن دلدہ بولدم ایمانی |

برادلمشه اولدم یار قالمدی ارده اغیار
 (هاشمی) یم نه غیغوم وار بن دلدہ بولدم ایمانی



درگاه فقیربده قدیماً وکالت صورتیله ایفای وظیفه مشیخت
 ایش اولوب بیک بوز قرق تاریخده انتقال ایله اوق میداننده
 سنان پاشا جامع شریفی اوکنده کی مقبره ده دفین خاک غفران
 اولان شیخ محمد لدنی افدینک حضرتک ترجمه سلوکلرینه
 عائد تنظیم بیوردقلری مقاله مخصوصه اولوب تبرکاً درج
 اولندی :

نظم

| | |
|------------------|-----------------------|
| سید عثمان هاشمی | عامل اولان شریعتی |
| سید عثمان هاشمی | کامل اولان طریقتی |
| عرفاتی مزول ایدی | توحید ایله مشغول ایدی |
| سید عثمان هاشمی | حق قنده مقبول ایدی |
| هم حلوتی طریقتی | حاجی بیرام طریقتی |
| سید عثمان هاشمی | جمع ایلدی ایکیسنی |
| شرح ایدهم سکا آن | ایستر ایسهک تفصیلی |
| سید عثمان هاشمی | اولدی سالک حق یولنی |

| | |
|------------------------|-----------------------|
| اول ویزه به واردیلر | شیخ علی به بولشدیلر |
| بیعت علی به ابتدیلر | سید عثمان هاشمی |
| شیخ علینک هم کنیتی | پیر علاءالدین درر |
| اولدی آنک خدمتمنده | سید عثمان هاشمی |
| بوعزیزک برشهرتی | غیفوسز درهم مخاصی |
| اولدی مظهر دعاسنه | سید عثمان هاشمی |
| پیرم علی اه دیوب | بولدی وصلت جانانه |
| دفن ابتدی آتی ویزه ده | سید عثمان هاشمی |
| شیخ علینک یرینه | شیخ غضنفر اوتوردیلر |
| انک دعا سن آلدیلر | سید عثمان هاشمی |
| شیخ غضنفر و بردی قیزین | داماد ایدندی امیری |
| سیرینه مظهر اولدیلر | سید عثمان هاشمی |
| شیخ غضنفر دخی اجل | جامن ایچون نقل ایلدی |
| قیلدی انک نمازینی | سید عثمان هاشمی |
| بوندن صوکره احزان ایله | یوله چیقوب اخوان ایله |
| استانبوله دك کلدیلر | سید عثمان هاشمی |

| | |
|-----------------------|------------------------|
| غوث اعظم شیخ بالی نك | خایفه سنك یازنده |
| ساكن اولوب اوتوردیلر | سید عثمان هاشمی |
| شهرتی اول خلیفه نك | شیخ نورالدین زاده دور |
| اولدی تسلیم اکا دخی | سید عثمان هاشمی |
| دست نورالدین زاده دن | حلونی تاجی کیدیلر |
| امراره مالک اولدیلر | سید عثمان هاشمی |
| اذکار ایله اوراد ایله | ارشاده مآذون اولدیلر |
| قاسم پاشایه کلدیلر | سید عثمان هاشمی |
| بو تکیه یی یابدردیلر | صوفیلره توحید ایچون |
| کامل مکمل اولدیلر | سید عثمان هاشمی |
| ذکر ایلیوب دوران ایله | توحید ایدوب وجدان ایله |
| انواره واصل اولدیلر | سید عثمان هاشمی |
| خوق اربعینلر چیقاروب | حلوتلرده دیزلر چوکوب |
| عالملره قطب اولدیلر | سید عثمان هاشمی |
| شیخ حلوی لمظانده | بوبله جه تحریر ایلدی |
| مردان حقدن ایدیلر | سید عثمان هاشمی |

| | |
|--------------------|----------------------|
| حاجی علی یازدی بون | تخفه ادلو تاربخنده |
| سید عثمان هاشمی | سرذاته واصل ابدی |
| ایچدی اجل شربتی | هجرت بیک اوج اولدقده |
| سید عثمان هاشمی | اشیانک فردوس اوله |
| ایدوب قبول نیازی | بو (لدنی) درد مندک |
| سید عثمان هاشمی | واصل ایله اسرارینه |

❀ ❀ ❀

ترتبه شریفه نك حاجت نجره سی بالاسنده کی طاشه محكوك
اولوب ناظمی ایله تاریخی سینه میان بیت در .

قطب عالم نقد وقت حاجی بیرام ولی
مه طغی و مرتضی سرینه مظهر سین بی
ذات ^{بالکده} ~~بالکده~~ قونلشدر خدادن تاازل
سرورا خلق محمدله کرامات علی

قطب عالم مرشد کامل مروت معدنی
حضرت عثمان افندیدر ولایت مخزنی

ملغا شورای بحریه اسبق باش کابی مرحوم عثمان رحمی
 افندی طرفندن حضرتی تجیلاً سلك نظمه کشیده اولوب
 لوحه صورتنده تربه شریفهده معلق بولنان قصیده در

شاه ملک فضل و عرفاندر جناب هاشمی

ماه برج علم و ایقاندر جناب هاشمی

واقف اسرار سبحاندر جناب هاشمی

کاشف هر رمز پنهاندر جناب هاشمی

نامدش ابن عفاندر جناب هاشمی

شمع بزم ارای پیران نورعین عارفان

دره التاج عزیزان پیشوای سالکان

سرفراز عاشقان ممتاز ارباب دلان

رهنمای راه بردان عارف حکمت نشان

صاحب ارشاد و برهاندر جناب هاشمی

مرقدین هر کیم زیارتله مرادین یاد ایدر

روح پاک پرفتوحاتندن استمداد ایدر

هر کسه هر مشککنده همت و امداد ایدر

فیض روحانیقی زوارینی دلشاد ایدر

برولی اه ذیشاندر جناب هاشمی

سید عالی نسبدر لطفنک یوق غایتی

زل احسان و عطا یادر همیشه عادتی

رحمیا حدک دکلی حسن ادای مدحتی

خدمتده دائم اول آلمق دیلور سن همعی

پک بیوک دولتلو ساطاندر جناب هاشمی

* * *

تفصیر

حقیر برتصبلک استمداد در ویشانه سی

استشفاع

آقار خونابه اشک ندامت دیده دن بالله
 ذالیم . احقرم حالم یماندر عاقبت ایواہ
 مدد ، سنسک بنم احوال مأیوسانہ . آکاه
 بو استشفاعی ذکر ایلر مروت بکارم هر کاه

غریق بحر عصیانم دخیلک یارسولاه

شفا جویانه کلدم بابکه رد ایتمه یا مختار
 بنم عاصی و مجرم برقولک کیم خاسر و بیمان
 آمان یافخر عالم فیضکاک محتاجی یم هر بار
 یوزم یوق لطفکاک تحصیلنه رسوالغم درکار

غریق بحر عصیانم دخیلک یارسولاه

جناب خالق العالم بیوردی شانکه (لولاک)
 آنکچون خاق اولنشد زمین و آسمان افلاک
 قیاندیم درکه لطف و عطا که کوزلم نمناک
 سرشک افشان اولوب سویلر «تریا» سینه سی صد چاک
 غریق بحر عصیانم دخیلک یار سولاه

دیگر

کوکلمده او صورتله که بر عشق علی وار
 قابلمده علی عشقنه میل ازلی وار
 بر جزیه که علویت سودا ایله مرغوب
 روحک آنی تقدیسه شدید براملی وار
 بر صفوت و بهجتله فیوضات علیدن
 ره حمده بنم نور تجلای جلی وار
 انوار محمدکه تجلی ایده دلده
 دلدن دله بر فیض تمادی ولی وار
 وقف دل ایدوب بسته عشق اول که «تریا»
 باغ املک غنچه نورسته کلی وار

دیگر

مایه سی عشق و محبتله نخر کمترم
بن محب خاکپای خاندان حیدرم

شیعه آل علی خاص امت پیغمبرم
بن محب خاکپای خاندان حیدرم

سایه فیض محمددر کوکلره شعله بار
بن حسینیم بوخصالت ناصیه مده آشکار
مداهم اهل بیت عشقیله ناعرشه جیقار
بن محب خاکپای خاندان حیدرم

مظهر ذات تجلیات سبحاندر علی
واقف هر بر رهوز سرقرآندر علی
مؤمنك قابنده فیض نور ایماندر علی
بن محب خاکپای خاندان حیدرم

فاطمه کنجینه مهر تجلادر بیلك
فاطمه خاتون محر مکاه مولادر بیلك
فاطمه مهمان بیت اه علیادر بیلك
بن محب خاکپای خاندان حیدرم

شاه یکتادر حسن خالق الرضای منجلی
 شاه حسین کربلادر واقف سرعلی
 شاه زین العابدین و باقر و جعفر ولی
 بن محب خاکپای خاندان حیدرم

موسیٰ کاظم رضا و شاه تقی کان عطا
 شاه تقی و عسکری و مهدی صاحب لوا
 ای «تربا» نقد جان ایشاریدر صدق وفا
 بن محب خاکپای خاندان حیدرم





PL
248
H36
A17
1913